



13.oktober 2020

UKA2020/27

Nunap immikkoortuini mittarfinnik tulleriiarinissamut tunngavissat pillugit Inatsisartut aalajangiiffigisassaattut siunnersuut.

(Ineqarnermut Attaveqaatigiinnermullu Naalakkersuisoq)

Nunatsinni angallannikkut periarfissarititaasut pitsanngorsaavigiarnissaat pisariaqarluinnarpoq. Inoqarfiit taama imminnut siammasitsigisut atugaralutigit amerlasuutigit immiut akilersinnaasuseqarnerinnaq kisiat aallaavigalugu aqqissuussisuaannarsinnaannginnerput eqqaasitsisutaasariaqartarpoq, inuillu periarfissaasa aammalu kiffartuunneqarnerisa pitsanngorsaavigineqar-nissaat qitiusariaqartarpoq.

Ukiuni kingullerni angallannikkut aqqissuussinermi periarfissagissaarnerulertitsiumalluta iluan-gersuutit oqallinnerillu imaanginnavissut aqqusaarpavut. Isummat assigiinngisitaartut aammalu tunngavilersuutit assigiinngisitaartuusimaqaat

Mittarfeqarneq pillugu aqqissuusseqqinneq angisooq aqqusaarparput, inuiaqatigiit aqqissugaa-nerput aammalu najugaqariaaserput annertuumik sunniuteqarfigissagaa qularutissaanngilaq. Siu-nertaq aamma siunertaavoq siunissamut tikikkuminarsarneq, suleqatigiuminarsarneq, ornigasuaasarneq, eqaallisaaneq aammalu siunissaq ungasinnerusoq isigalugu inuiaqatigiinnut akikinnerusumik atugaqalernissaq siunertaralugu isigineq tunngavigalugu sulineq.

Mittarfissualiornermi tamakku tunaartaralugit sulinermi tunuliaqutsiisimanerput nuannaarutigaa-put. Ingerlaqqinnermilu nunap iluani mittarfiit aqqissuunneqarnerani isummersoqataassaagut aammalu akisussaaqataassaagut nunap iluani angallannermut eqaannerusumik ikaarsaarniarner-mut.

Misissueqqissaarnermit inassutigineqartut ataatsimut isigissagaanni angallasseriaatsip aqqissu-ussaanerata sinneranut atatillugu naalakkersuisut inassutigaat immiut akilersinnaasuseqartut suliniarnermi salliutinneqassasut. Tullinnguullugu angallasseriaatsip aqqissuussaanerata pitsaane-rulersinneqarnissaa aaliangiiffigineqarumaartoq. Tamatuma saniatigit Kalaallit Airport A/S-ip ata-ani mittarfiliornikkut, imarpik qulaallugu timmisartuussinernut mittarfissat 2024-mi atulernerisigit angallasseriaatsip nutaamik aqqissuunneqarneratigit ataatsimoortumik ingerlatsinermi anin-gaasartuutit appartinneqarnissaasa siunertarineqarnera tulleriiarinermi eqqarsaatigineqartooq isu-maqatiginaqaaq.

Nunatta Qitornai

Inatsisartuni



Soorunami sulisoqarneq eqqarsaatigalugu nunatsinneersunik sulisinnaasunik pisariaqartitsineq sa-naartugassanut ilanngullugit eqqarsaatigilluartariaqartutut isumaqarpugut.

Naalakkersuisut siunnersuutaat imartooq aammalu misissueqqissaarnermi tunngavigineqarsimasut pillugit ilanngussai ilassilluarpavut. Isumaqarpugullu suliap isummerfigisassap annertuumik imaqartoq attaveqaqatigiinnermut ataatsimiititaliamit sukumiisumik suliarineqariaqartoq, taasun-galu ingerlateqqipparput.